

բազմութեամբ: 14 Իսկ զաւրբն Պարսից չեւ էին՝ հասեալ ի ժամադիր տեղի պատերազմին: 15 Իսկ զաւրբն արքային Յայոց կանուխ քան զՊարսսն ի տեղի ճակատուն հասանէին, եւ զտեղի առեալ կային: 16 Ապա տապել սկսան զաւրբն Յայոց ընդ իւրեանց նիստ խափանածոյն, եւ ոչ առնուին յանձն մնալ կամ անսալ զաւրացն Պարսից, այլ կամեցան յարձակել դիմել հասանել ի վերայ թագաւորին Յունաց ինքեանք՝ առանց Պարսից զաւրացն, անձամբք վճարել զգործ պատերազմին: 17 Եւ այր ամենայն զաւրացն Յայոց ինքնակամք իւրաքանչիւր արձակ արձակ խաղային. եւս առաւել զաւրավարն Նոցին Վասակ քան զամենայն զաւրսն ելելէ առնէր, կապակոտոր լինէր, չմնայր հաւանութեան միւսչեւ զաւրբն Պարսից եկեցցեն, այլ զի միայն ինքեամբք վճարեցցեն զգործ պատերազմին:

18 Ապա միահամուռ զաւրբն Յայոց անկանէին առաջի եւ ինդրէին յիւրեանց թագաւորէն Արշակայ, զի մի՛ պահեսցէ զնոսա միւսչեւ եկեցցէ արքայն Պարսից Շապուհ. այլ վասն որոյ իրիք եկեալ իցեն, վաղագոյն Նոցա զպատերազմն առ յանդիման արարեալ՝ համարձակեցցէ յարձակել քան զանսալն յաւտար աշխարհին. առաւել մղձկէին, զի լաւ հաշուէին զմեռանելն առաւել քան զյամելն յաւտար աշխարհին: 19 Ապա թոյլ տայր Նոցա թագաւորն Արշակ, եւ յանդիմանէր Նոցա զգործ պատերազմին: 20 Ապա կարգեր կազմեր պատրաստեր զամենայն զզաւրսն Յայոց Վասակ զաւրավարն սպարապետն Յայոց մեծաց: 21 Վառեր<sup>2</sup> զինէր ժամակալ լինէր Վասակ. հանդերձ ամենայն պատերազմող զաւրաւբն այրայրատեան գնդաւն ելանէր անկանէր ի վերայ բանակին: 22 Առ հասարակ ընդ սուր հանեալ կոտորէին, այնպէս զի ոչ ապրեցուցանէին ի Նոցանէ եւ ոչ զմի: 23 Եւ առնուին զկապուտ զաւար յունական զաւրուցն, զի ոչ գոյր չափ կամ թիւ որչափ լցան զանձաւք, եւ անհամար կարասեաւ մեծաւ աւարացն<sup>3</sup> յղփացան:

24 Եւ յետ այսորիկ զտեղի ունէր արքայն Յայոց հանդերձ իւրովք զաւրաւբն, միւսչեւ գայր հասանէր Շապուհ արքայն Պարսից ամենայն անթիւ եւ անչափ զաւրաւբն Պարսից: 25 Իբրեւ եկն ետես զքաջութիւն գործոյն հայաստան զաւրացն, զի զճակատ մղեալ, զպատերազմ յարդարեալ, զյաղթութիւն կազմեալ եւ զգործ վճարեալ, կայր զարմացեալ մեծապէս. եւ պատուէր զԱրշակ արքայ Յայոց մեծապէս, եւ զամենայն մեծամեծս Յայոց. տոյնպէս եւ զսպարապետն Յայոց զՎասակ:

26 Ապա խաւսել սկսանէր թագաւորն Պարսից Շապուհ ընդ զաւրս իւր՝ թէ զի՛նչ պարգէս բարեաց, կամ զի՛նչ հատուցումն կարեմք մեք հատուցա-

1 Յօր. չուէին

2 Յօր. վարեր

3 Յօրինակի միում՝ աւարան